

ԱՐՁԱՆԱԳՐՈՒԹՅՈՒՆ

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ՔԻՄԻԱՅԻ ՖԱԿՈՒԼՏԵՏԻ
ԳԻՏԱԿԱՆ ԽՈՐՀՐԴԻ 2025 Թ. ՕԳՈՍՏՈՍԻ 29-Ի ԹԻՎ 1 ՆԻՍՏԻ

Օրակարգում

1. Ֆակուլտետի գիտական խորհրդի 2025-2026 ուս.տարվա աշխատանքային պլանի քննարկում և հաստատում:
2. Ամբիոնների վարիչների հաղորդումները նոր ուսումնական տարում լաբորատորիաների պատրաստվածության վերաբերյալ
3. Ընթացիկ հարցեր

Գիտխորհրդի նախագահ, դեկանի ժ/պ Ա.Ս.Գալստյան -Հարգելի գործընկերներ սկսենք մեր այս ուսումնական տարվա առաջին նիստը: Նիստին մասնակցում են 16 անդամները, բացակա չունենք:

Ըստ օրակարգի 1. Ֆակուլտետի գիտական խորհրդի 2025-2026 ուս.տարվա աշխատանքային ծրագրի քննարկում և հաստատում: Աշխատանքային օրակարգի նախնական տարբերակը ունեիք, խնդրում եմ ներկայացրեք ձեր առաջարկները, ավելացումները և փոփոխությունները:

Կ.Ռ.Գրիգորյան - Սեպտեմբեր

2. «Դասախոսը ուսանողի աչքերով» սոցիոլոգիական հարցումների արդյունքների քննարկում (նախորդ տարվա 2-րդ կիսամյակի արդյունքներ): Այս տվյալների քննարկումը և վերլուծությունը կատարվում է մեթոդ խորհրդի նիստում, ինչը ես ներկայացնելու եմ հաշվետվության մեջ: Ինչ իմաստ կա քննարկել Սեպտեմբերի Ա.Ս.Գալստյան- դուք ճիշտ եք, սեպտեմբերի նիստին մենք ուղղակի տեղեկություն ենք տալու այս հարցի մասին, լուրջ քննարկումները կներկայացնեք Դուք՝ Ձեր հաշվետվության մեջ:

ՈւՆ նախագահ ակնկալում էմ Ձեր անմիջական աշխատանքները հարցման ընթացքում ուսանողների ակտիվ մասնակցության գործում, քանզի մեկ ուսանողի մասնակցությամբ իրական գնահատում չի կատարվում:

Գ.Ս.Գրիգորյան – ես մի քանի դիտարկումներ ունեմ՝

1. Հոկտեմբեր ամսվա օրակարգում՝ մեթոդիտորիդի նախագահի հաշվետվություն, այստեղ պետք է հստակեցում կատարվի՝ ավելացնել «նախորդ տարվա» բառակապակցությունը:

2. Ծրագրի ղեկավարների հաղորդումը՝ 1-ին կուրսեցիների հետ տարվող աշխատանքների մասին. առաջարկում եմ նոյեմբեր ամսվա օրակարգից տեղափոխել հոկտեմբերի օրակարգի մեջ:

3. Ամբիոնի վարիչի հաշվետվությունը ամբիոնի կատարած աշխատանքների վերաբերյալ ապրիլ, մայիս ամիսների օրակարգից հանել: Կարծում եմ ամբիոնի վարիչների հաշվետվության համար հարմար է հունիս ամսվա վերջին նիստը, որտեղ ամփոփ կներկայացվեն կատարված աշխատանքները (հասրակական և գիտական), քննության արդյունքները, ծրագրերում իրականացված փոփոխությունները և ընդհանուր վիճակը դասախոսական կազմում:

Նիստի նախագահ Ա.Ս.Գալստյան- պրն. Գրիգորյան, Ձեր դիտարկումների վերաբերյալ. Առաջին կետի հետ հանմաձայն եմ՝ ավելացումը կկատարվի, 2-րդ դիտարկումը՝ ծրագրերի ղեկավարների հաղորդումը 1-ին կուրսեցիների հետ կատարվող աշխատանքների մասին՝ տեղափոխության չի ենթարկվի: Նոյեմբերի օրակարգում է ներառվել քանզի այդ ժամանակահատվածում ունենում են ընդհանուր պատկերացում և՛ ուսանողի ադապտցիայի հետ՝ ուսանողի պարտականություններին, և՛ առաջին ընթացիկի արդյունքները: 3-րդ կետի վերաբերյալ - այո, ամբիոնների վարիչների հաղորդումը ամբիոններում կատարված աշխատանքների վերաբերյալ կտեղափոխվի հունիս ամսվա օրակարգ: Այստեղ մեկ ավելացում. Հարգելի ամբիոնների վարիչներ Ձեր հաշվետվությունների համար կներկայացվի ձևաչափի նախնական տեսք, (իհարկե կքննարկվի և կկարգավորվի նիստում), ըստ որի

կներկայացվի հաշվառությունը: Հունիս ամսվա համար քիմիայի ֆակուլտետի գիտական խորհուրդը կունենա 2 նիստ:

Ուսանող Է.Երիցյան - Աշխատանքային օրակարգում ներառված չէր ՈԻԳԸ-ի և ՈԻԽ-ի նախագահների հաղորդումը կատարած աշխատանքների վերաբերյալ
Նիստի քարտուղար Մ.Ա.Սամվելյան – Կանոնակարգի համաձայն ՈԻԳԸ-ի և ՈԻԽ-ի նախագահները հաղորդումը ներկայացնում են իրենց համապատասխան կազմակերպություններում: Սակայն Դուք կարող եք ցանկացած նիստի ընթացիկ հարցեր բաժնում ներկայացնել Ձեր հաղորդումը՝ կատարած աշխատանքների վերաբերյալ:

Որոշեցին - հաստատել Քիմիայի ֆակուլտետի գիտական խորհրդի 2025-2026 ուս.տարվա աշխատանքային օրակարգը՝ կատարված փոփոխություններով:

ՔԻՄԻԱՅԻ ՖԱԿՈՒԼՏԵՏԻ ԳԻՏԱԿԱՆ ԽՈՐՀՐԴԻ

2025-26 ուսումնական տարվա

ԱՇԽԱՏԱՆՔԱՅԻՆ ՕՐԱԿԱՐԳ

Օգոստոս

4. Ֆակուլտետի գիտական խորհրդի 2025-2026 ուս.տարվա աշխատանքային պլանի քննարկում և հաստատում:
5. Ամբիոնների վարիչների հաղորդումները նոր ուսումնական տարում լաբորատորիաների պատրաստվածության վերաբերյալ
6. Ընթացիկ հարցեր

Սեպտեմբեր

1. Ամբիոնի վարիչների հաղորդումը լաբորատոր աշխատանքների ծրագրերում կատարված փոփոխությունների մասին:
2. «Դասախոսը ուսանողի աչքերով» սոցիոլոգիական հարցումների արդյունքների քննարկում (նախորդ տարվա 2-րդ կիսամյակի արդյունքներ)
3. Ընթացիկ հարցեր:

Հոկտեմբեր

1. Ֆակուլտետի մեթոդական խորհրդի նախագահի հաշվետվությունը:
2. Ընթացիկ հարցեր:

Նոյեմբեր

1. Մագիստրոսական թեզերի և ավարտական աշխատանքների թեմաների քննարկում և հաստատում:
2. Ամբիոնների վարիչների հաղորդումը հետազոտական բաղադրիչ ունեցող առարկաների աշխատանքների ընթացքի վերաբերյալ:
3. Ծրագրերի ղեկավարների հաղորդումը առաջին կուրսեցիների հետ տարվող աշխատանքների մասին:
4. Մագիստրոսական թեզերի ընթացքի վերաբերյալ ամբիոնի վարիչների հաշվետվությունը:
5. Ընթացիկ հարցեր:

Դեկտեմբեր

1. Ձմեռային քննաշրջանի նախապատրաստական աշխատանքների քննարկում:
2. Ամբիոնների վարիչների հաղորդումը դասալսումների մասին(դասալսումների վերաբերյալ տվյալները պետք է ներկայացնել գրավոր):
3. Ընթացիկ հարցեր:

Փետրվար

1. Ամբիոնի վարիչների հաղորդումը քննաշրջանի ընթացքի և արդյունքների քննարկում:
2. Մագիստրոսական ծրագրերով ուսուցման վիճակի մասին ամբիոնների վարիչների հաղորդումների լսում:
3. Մագիստրոսական թեզերի պաշտպանության արդյունքները:
4. «Դասախոսը ուսանողի աչքերով» սոցիոլոգիական հարցումների արդյունքների քննարկում (1-ին կիսամյակի արդյունքների քննարկում)
5. Ընթացիկ հարցեր:

Մարտ

1. Ավարտական աշխատանքների ընթացքի մասին ամբիոնների վարիչների հաղորդումները:
2. Մագիստրոսական և բակալավրիական ուսումնական ծրագրերի վերանայում և հաստատում:
3. Ընթացիկ հարցեր:

Ապրիլ

1. Ուսումնաարտադրական պրակտիկաների արդյունքների քննարկում:
2. Ընթացիկ հարցեր:

Մայիս

1. «Քիմիա» գիտահետազոտական կենտրոնի ղեկավարի հաշվետվությունը 2025-2026 ուս. տարում կատարած աշխատանքների վերաբերյալ:
2. Ամբիոնների վարիչների հաղորդումը դասալսումների մասին(դասալսումների վերաբերյալ տվյալները պետք է ներկայացնել գրավոր):
3. Ընթացիկ հարցեր:

Հունիս Ա

1. Ավարտական աշխատանքների պաշտպանությունների արդյունքների քննարկում:
2. Ուսումնական ծանրաբեռնվածությունների հաստատում:
3. Հետազոտական բաղադրիչ ունեցող առարկաների աշխատանքների պաշտպանությունների արդյունքների քննարկում:
4. Ընթացիկ հարցեր:

Հունիս Բ

1. Ֆիզիկական և կոլոիդ քիմիայի ամբիոնի վարիչի հաշվետվության լսումը 2025-26 ուս. տարում կատարած աշխատանքների մասին:
2. Օրգանական քիմիայի ամբիոնի վարիչի հաշվետվության լսումը 2025-26 ուս. տարում կատարած աշխատանքների մասին:

3. Անօրգանական և անալիտիկ քիմիայի ամբիոնի վարիչի հաշվետվության լսումը 2025-26 ուս. տարում կատարած աշխատանքների մասին:

4. Ընթացիկ հարցեր:

Քննարկված և հաստատված է քիմիայի ֆակուլտետի գիտական խորհրդի 2025թ . Օգոստոսի 29-ին կայացած նիստում՝ արձանագրություն թիվ 1:

-Նիստի նախագահ՝ Ա.Ս.Գալստյան,- անդրադառնանք օրակարգի 2-րդ հարցին. «Ամբիոնների վարիչների հաղորդումները նոր ուսումնական տարում լաբորատորիաների պատրաստվածության վերաբերյալ»

Ա.Ի.Մարտիրյան – Անօրգանական և անալիտիկ քիմիայի ամբիոնի վարիչ: Այս տարի մեզ մոտ լաբորատորիաների վիճակը համեմատաբար լավ է: Բոլոր լաբորատորիաները վերանորոգված են և պատրաստ են ուսումնական տարվան: Մի քանի խնդիրներ կան, որոնք հեշտ վերացվող են:

Ն.Ա.Դուրգարյան- Օրգանական քիմիայի ամբիոնի վարիչ: Մեզ մոտ վիճակը այլ է:

Լաբորատորիաները ամբողջովին պատրաստ չեն:

Գ.Ս.Գրիգորյան - Ֆիզիկական և կոլոիդ քիմիայի ամբիոնի վարիչ: Մեզ մոտ վիճակը նորմալ է, և պատրաստ ենք դիմավորելու ուսանողներին:

Ա.Ս.Գալստյան – Հարգելի գործընկերներ, լաբորատորիաներում ուսանողները աշխատանքները պետք է կատարեն անհատական: Հարկավոր է մշակել մեթոդաբանություն: Բազմաբաղադրիչ համակարգը մեզ շատ հնարավորություններ և լծակներ է տալիս: Հետևաբար հնարավոր է լաբորատոր աշխատանքների մեջ ներառել ուսանողի ինքնուրույնության գնահատումը: Որևէ փորձի հավաքում, իրականացում, սինթեզ, լուծույթի պատրաստում և հաշվարկ: Այսպիսով ներառեք Ձեր պրակտիկայում ստուգիչ փորձերի քանակ, որը ցույց կտա ուսանողի ինքնուրույնությունը և մնացորդային հմտությունը առարկայի շրջանակներում:

Ա.Ս.Գալստյան – Հարգելի գործընկերներ՝ ընթացիկ հարցեր բաժնում ունենք մի քանի հարց

1. Բոլորը ստացել եք ռեկտորի շրջաբերականը՝ կայքում մինչև սեպտեմբերի 9-ը տեղադրել առարկայի նկարագրիչները, դասագրքերը և գնահատումը: Խնդրում եմ հստակ կատարել հրահանգը: Ամբիոնի վարիչները պետք է լինեն հետևողական:

2. Անցած ուսումնական տարվա վերջում մենք որոշեցինք կազմել հանձնաժողով, որպեսզի հստակեցնենք ավարտական աշխատանքների և մագիստրոսական թեզերի չափորոշիչները՝ խուսափելու համար աշխատանքների անհամեմատելիությունից: Այս խնդիրը լուծելու համար առաջարկում եմ կազմել հանձնաժողով, որտեղ կընդգրկվեն ծրագրի ղեկավարները, մեթոդխորհրդի նախագահը և ամբիոնի վարիչները: Առաջարկը ընդունվեց միաձայն քվեարկությամբ:

Որոշեցին ավարտական աշխատանքների և մագիստրոսական թեզերի չափորոշիչների հստակեցման համար կազմել հանձնաժողով հետևյալ կազմով

Հանձնաժողովի նախագահ- մեթոդ խորհրդի նախագահ, պրոֆեսոր Կ.Ռ.Գրիգորյան

անդամներ՝ «Քիմիա» բակալավրիական ծրագրի ղեկավար Լ.Ս.Գաբրիելյան, «Քիմիա» մագիստրոսական ծրագրի ղեկավար Ն.Ա.Դուրգարյան, «Մանդի անվտանգություն» ծրագրերի ղեկավար Ա.Ի.Մարտիրոսյան և «Ֆիզիկական և կոլոիդ քիմիայի» ամբիոնի վարիչ Գ.Ս.Գրիգորյան: Հանձնաժողովը պետք է կատարված աշխատանքի տվյալները, չափորոշիչների վերաբերյալ, ներկայացնի հոկտեմբեր ամսվա գիտական խորհրդի նիստին, իսկ շտկված տարբերակը ներկայացնի նոյեմբերին, ըստ որի կձևակերպվեն ավարտական աշխատանքները և մագիստրոսական թեզերը:

-Ա.Ս.Գալստյան- Ընթացիկ հարցերի վերջին հարցը անվանական կրթաթոշակների հարցն է: Գրասենյակը դիտարկել և քննարկել գերազանց

առաջադիմությամբ ուսանողների ցանկը՝ հաշվի է առնվել ուսանողների ՄՈԳ-ը 4 կիսամյակների համար: Անվանական կրթաթոշակի հավակնորդներ են

1. Կիրակոսյան Արեն Արկադիի «Քիմիա» մասնագիտություն 3-րդ կուրս – արդյունարար ՄՈԳ -19,73

2. Հովհաննիսյան Զեմֆիրա Արտավազդի «Քիմիա» մասնագիտություն 3-րդ կուրս – արդյունարար ՄՈԳ -19,52

3. Երիցյան Էմիլյա Ալեքսանդրի «Սննդի անվտանգություն» մասնագիտություն 4-րդ կուրս – արդյունարար ՄՈԳ -18,97:

Որոշեցին - ա/ Նշանակել «Քիմիա» բաժնի բակալավրիատի 3-րդ կուրսի գերազանց առաջադիմությամբ ուսանող Արեն Արկադիի Կիրակոսյանին «Դավիթ և Նազելի Չարյանների» անվան կրթաթոշակը:

բ/ Նշանակել «Քիմիա» բաժնի բակալավրիատի 3-րդ կուրսի գերազանց առաջադիմությամբ ուսանողուհի Զեմֆիրա Արտավազդի Հովհաննիսյանին «Ստեփան Ղամբարյանի» անվան կրթաթոշակը:

գ/ Շարունակել «Սննդի անվտանգություն» բաժնի բակալավրիատի 4-րդ կուրսի գերազանց առաջադիմությամբ ուսանողուհի Էմիլյա Ալեքսանդրի Երիցյանին «Աիդա Ավետիսյանի» անվան կրթաթոշակը:

Նիստի նախագահ

Դոցենտ

Ա.Ս.Գալստյան

Նիստի քարտուղար

Դոցենտ

Մ.Ա.Սամվելյան

